

EKJ WEET VON EEN WOTA

(Ich weiß einen Strom)

(Oh, Have You Not Heard Of That Beautiful Stream?)

(Sinjt Froo! #12)

1. Ekj weet von een Wota soo wundaboa kloa,
Daut rant aus een Stroom derch daut Launt;
Doch dach aus een Glaunz ut een Fia steit dee doa,
O, wäm es dit Wota bekaunt?

Kua: Seel, horch doch, nu bedd wie die, komm,
Un sieekj disen harlichen Stroom.
Daut Wota haft Krauft un rant doch gaunz frie,
O, jleew daut rant uk fa die.

2. Wua emma dis Stroom nu uk han ranen deit,
Doa jubelt met Freid jieda Hoat;
Wiels daut en dän kostboaren Säajen sikj freit,
Jerat nu von Kumma un Noot.
3. De Stroom dee es deep, doch daut Wota es kloa,
Un schmakjt äwa aules soo fein.
Dee heelt aule Kranke un stalt an gaunz doa,
Jo, moakt uk dän schlahjchsten gaunz rein.
4. Daut läwendje Wota daut rant aus een Stroom,
Un kjemt eensich von Jesus häa.
Sien dieret un heiljet un kostboaret Bloot,
Daut rant doa fa die un fa mie.
5. Wan du noch dän Darscht hast dan komm blooss un drinkj,
De Jeist un de Brut loden en.
Blooss wää siene Sind no däm Heilant hia brinjt,
Jeit dort en däm Himmel enenn.

Wieed: R. Torrey, Jr. 1865

Musikj: Asa Hull, 1828

Em Auljemeenen Jebruck

Plautdietsch: J.J. Neufeld, 1960